

Hier nach sint verzeichent wasser die sunderlich gebrauchet
werden zu vil sachen vnd sint selgen wasser.

Das weiß wasser zu machen

Zwey wasser zu machen. So man sie zu samen thut so werden
sie weiß als mylche. **I**n deme ersten wasser zu machen so nym
silber geliedt vnd mach dz zu poluer vnd sidt dz poluer
yne essig byß dz halbtteil yngesiden ist vnd laiß is daz stane
drey tage dz is sich luter. daz sthude dz clare wasser oben
abe vnd thu is yne eyn glaß. **I**n daz zweyten wasser zu
machen so nym salze vnd sidt dz yne rosen wasser uff dz
halbtteil. laiß is stane eyner tag dz is sich senck vnd
sthude dz clare wasser oby abe yne eyn glaß vnd verstoppe
is wol. **D**az nach dz weiß wasser zu machen dz man nenet
vunffrawen mylch. so nym dz ersten wasser vo daz silber
geliedt. den teil vnd dz zweyten wasser von daz salze eyn
teil vnd menge sie vnderenander. so wyrt is als mylche
dye dogent dz wasser ist wyrt dye röde vnder deme
angesicht die da bygig ist da myt bestreychen sie vergeet
Auch ist is eyn kostlich wasser zu lofthen uberich hiege
an sweten wonden ader anders wyrt dz wasser myt eynem
lynen dych daruff gelacht. ader da mit gewosthen Auch
ist is eyn sunderlich wasser. sthone vnd suber dye hute
an daz menthen zu machen westhet man die hute myt
daz wasser zum ersten vnd daz nach myt warmen wasser
uff daz borz. Auch wyrt dz wasser sunderlich gestorbet
thut man daz yn krebis sulben wil gepolueret zu ally
vorgesthlz stücken. sunderlich zu bosen wonden zu heilen.
myt daz wasser gewosthen vnd gereynget

Das blawe wasser zu machen

Zwey wasser zu machen. so man sie zu samen thut so werden
sie blawe. **I**n deme ersten wasser zu machy. so nym fochspene
von messinck vnd ryb sie myt salze uff eyn harten rybestene
dz salze sal syn salzmonack vnd rybe is eyn halby tag
daz nach thu is yne eyn glaß vnd setze is yne eyn helen
helder so verweichet is sich vnd wyrt yne xv tagen zu
wasser. dz thu yne eyn suber glaß wil verstoppet. **I**n dem